

清・不著撰人

清稿本 楷書 清劉寶楠手書題記

周官集註

六卷

文海出版社

有限公司
印行

周官本周公所制官政之書故名周官漢女子李氏獲之壁
間上河間獻王惟闕冬官一篇獻王構以千金不得遂取攷
工記補之合成六篇成帝時劉向子歆校理秘書始得著列
于錄畧嗣後馬融作傳鄭康成註之賈公彥疏之傳之者不
一人而疑之者亦不一林孝存謂末世瀆亂不經之書何休
謂六國陰謀之書蘇穎濱有三不可信之說胡五峯有無一
完善之論紛々聚訟無所折衷惟朱子曰周官周公運用天
理爛熟之書廣大精密周家法度在焉程子曰有關雎麟趾
之精意然後可行周官法度張子曰周禮是的當之書未可

以末世增入病之所以唐太宗嘆為真聖人作而文中子亦慕為王道之極也夫

總論

周官一書大則朝覲會同次則冠昏喪祭細則服食器用微則羽毛鱗介罔不備焉周公以之相七年之治成王以之治四十年之平周家以之永八百年之命信非聖人不能作也或以為文王治岐之書不知五等之爵九畿之服不可施于侯國或以為成周理財之書不知惠下甚薄非厚奉上甚薄非但施于理財或疑其宮壺何得屬天官不知周公之深智遠慮實在于此成王之正心誠意實賴乎此

天官冢宰第一

冢大也宰主也天統萬物冢宰統衆官故曰天官不言司者
不主一官之事也宗伯亦不言司鬼神非人所主故也

方里漢

惟王建國辨方正位體國經野野設官分職以為民極乃立天官
冢宰使帥其屬而掌邦治以佐王均邦國

極之為中言有中之義聖人以中道立標準於天下而使天
下取中焉若堯之敷立民不識不知順帝之則周之敷言是
舜是訛于帝其訛故曲禮三千冠以毋不敬經禮三百歸於
為民極

葉時

冢宰惟位冠五官之上故其體獨尊而權不旁分亦惟均列

六官之中故其體各敵而勢不相軋

高紫超

治官之屬大宰卿一人小宰中大夫二人宰夫下大夫四人上士八人中士十有六人旅下士三十有二人府六人史十有二人胥十有二人徒百有二十人

攷天官卿大夫命士凡三百五十餘人地官除卿遂虞衡關門之不可攷者尚四百餘人春夏秋皆五百餘人六官之中

說不即而卿

多少乘除大約凡三千人而兼官必相半焉古者官不必備

許時三十八人至春秋則八人矣

惟其人攷之唐虞大禹以司空而兼百揆羲和以二人而兼四岳臯陶以司寇而兼司馬按之成周周公以三公兼冢宰召公以三公兼宗伯毛公以三公兼司空即如周禮二卿公

一人是三公兼卿老也。一卿卿一人是六卿兼卿大夫也。軍將皆命卿是卿又兼將也。甚者太公以太師而兼司盟蘇公以大史而兼司冠。大者猶兼而況角羽茶炭等官但征一物庶冥翼蠅諸司祇供一事。以及田畧喪祭軍旅之屬之不常置者。又何不可兼哉。蓋周人因事而置官。周禮因官而存名。不攝其事則官冗。不存其名則官廢。故威公官事無攝孟子取之者以所置之官言也。管仲之官事不攝夫子非之者以所有之官言也。

滙泰

序官之制。府一而史二。胥一而徒十。府在史上。胥在徒上。此大例也。惟御史掌贊書數多。故史在府上。天府所藏之物重。

故府多於史。至若有府兼有史者當職事繁故也。有史而無府者當職事少故也。羽人角人等。有府無史以其掌文書。稅物須藏也。腊人食醫等無府無史以其專官行事更無所須也。賈公彥

專官竹事勢宜多而不宜有則敵人主乃向抑其校皆主
御史其世
則有有
十八

按府史胥徒之數。天官凡二千六百有九人。加以男奄女奚及嬪婦祝史酒漿籩醢之屬一千捌十六人。總食祿者三千六百八十九人。地官除虞衡闕門等之不可攷者尚三十餘人。以天官為準不限以兼攝通以三千六百人為額。則六官共一萬九千八百人。論其職並亞士不得謂之農。亦不得謂之官。故弼庶人在官者書曰庶人。走記曰庶人。祭於寢。蓋謂

孟子孫人在官者總謂之吏命為主而不得為吏

此也。論其祿：卿食八人，史食七人，胥食六人，徒食五人。可
賦田則給之，田不可賦，田則給之祿。所謂以農夫為差也。或
有疑其不能給者，殆未深攷也。王畿之田百萬井，九百萬夫
井稅一夫，入於公者九十萬夫，三分損一，則收田稅六萬四
千井，為田五萬六千六百夫。除府等史等一萬九千八百夫
之祿，尚餘三萬六千八百夫之田。加以山川有稅，邦國有貢，
以之供賓祭優矣。而何患不足哉？滙叅

又按下士與庶人在官者同祿。知成周之世，官與吏無甚別
也。府史之屬，雖官長所辟除，不命於天子諸侯，而始有祿以
養其廩。後有功名之途，以盡其用，則人知自愛重，自不至作

姦犯科舞文弄墨觀曹蕭以刀筆吏佐命為元勳終西都之
世公卿多出胥吏而儒雅賢厚之士亦多借徑於吏以發身
故漢之制為近古後世不為之謀其生而但為之抑其格此
弊端之所由百出也

滙叅

宮正上士二人下士八人府二人史四人胥四人徒四十人

凡命官之義言正者總其政宮正之屬言司者察其事司會
之屬言典者守其灋典臬之屬言職者主其業職內之屬言
掌者專其任掌舍之屬言師者訓其徒甸師之屬言衡者平
其政虞林衡之屬言氏者世其官師氏之屬言人者終其身
庖人之屬不氏不人權其材也宮伯膳夫內外饗之屬

滙叅

宮伯中士二人下士四人府一人史二人胥二人徒二十人

庫官以緩急為次第不以尊卑為先後先故宮正宮伯以上官在前內宰等六太官在後

宮正宮伯皆士也先王燕居宮中婦寺不得在側在王所者

惟士而已魏莊渠

膳夫上士二人中士四人下士八人府二人史四人胥十有二人

徒百有二十人

庖人中士四人下士八人府二人史四人賈八人胥四人徒四十

人

內饗中士四人下士八人府二人史四人胥十人徒百人

外饗同上

亨人下士四人府一人史二人胥五人徒五十人

甸師下士二人府一人史二人胥三十人徒三百人

甸師下士也得為獸人中士之長大史下大夫也得為內史

中大夫之長以卑統尊極有深意

雜說

獸人中士四人下士八人府二人史四人胥四人徒四十人

獻人中士二人下士四人府二人史四人胥三十人徒三百人

鼈人下士四人府二人史二人徒十有六人

腊人下士四人府二人史二人徒二十人

醫師上士二人下士四人府二人史二人徒二十人

食醫中士二人

疾醫中士二人八人

瘍醫下士八人

獸醫下士四人

酒正中士四人下士八人府二人史八人胥八人徒八十人

酒正中士四人下士八人府二人史八人胥八人徒八十人

酒人奄十人女酒三十人奚三百人

奄不稱士則亦府史之類女酒與奚為什長若胥徒賈公彦

漿人奄五人女漿十有五人奚百有五十人

淩人下士二人府二人史二人胥八人徒八十人

邊人奄一人女邊十人奚二十人

賈公彦注

醯人奄一人女醯二十人奚四十人

醢人奄二人女醢二十人奚四十人

鹽人奄二人女鹽二十人奚四十人

冪人奄一人女冪十人奚二十人

宮人中士四人下士八人府二人史四人胥八人徒八十人

掌舍下士四人府二人史四人徒四十人

幕人下士一人府二人史二人徒四十人

掌次下士四人府四人史二人徒八十人

大府下大夫二人上士四人下士八人府四人史八人賈十有六

人胥八人徒八十人

玉府上士二人中士四人府二人史二人工八人賈八人胥四人

徒四十有八人

內府中士二人府一人史二人徒十人

外府

同上

合共計出計或月要計等案多計以合

司會中大夫二人下大夫四人上士八人中士十有六人府四人

史八人胥五人徒五十人

司書上上二人中士四人府二人史四人徒八人

職內上士二人中士四人府四人史四人徒二十人

王明時之變情作此

按職歲主出計一節以考故不而而司職歲

職歲上士四人中士八人府四人史八人徒二十人

職幣上士二人中士四人府二人史四人賈四十人胥二人徒二

十人

司裘中士二人下士四人府二人史四人徒四十人

掌皮下士四人府二人史四人徒四十人

內宰下大夫二人上士四人中士八人府四人史八人胥八人徒八十人

內小臣奄上士四人史二人徒八人

周禮之奄皆不命此獨稱士者異其賢也

註疏合參

成周建宮內外不分蓋閤寺之屬朝夕左右最易褻近統於冢宰則人主不得以私意昵內臣不得以非道干故侍御僕從罔非正人此先王治內之嚴也

陳永嘉

閤人王宮每門四人圍游亦如之

寺人王之正內五人

周家冢宰一官凡閤寺嬪御之職服膳莞庫之司皆屬焉似
乎煩細瑣屑不知不掌於冢宰則不能格君心之非而後有
女寵之禍有閤寺之變有內藏之私有宮市之患有奢侈百
出之弊凡先王治天下之本莫不廢壞焉滙叅

內豎倍寺人之數

九嬪

世婦

春官世婦與此不同此乃天子之妃嬪春官乃女傅之有德
者後儒合之非也柯氏

女御

世婦女御不言數者。君子不苟於色。有婦德者之充之。無財
闕 鄭康成

自古婦人之賢。蓋不易得。生則寢之地以教其。卑衣之。祔以
教其正。弄之瓦以教之事。既十年則姆教以女事。共衣服。嫁
之三月。或於公宮。或於宗室。教以四德。所以成婦順也。況六
宮當貫魚之寵。可以非其人哉。故先王慎焉。李氏

女祝四人。奚八人。

女史八人。奚十有六人。

女史執彤筆在宮中。凡善惡皆書之。故宮女懼而脩德。張橫渠

典婦功中士二人。下士四人。府二人。史四人。工四人。賁四人。徒二